



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonavno tužilaštvo Srednjobosanskog
kantona/Kantonavno tužiteljstvo Središnja Bosna
Travnik

Broj: T06 0 KT 0039022 26
Travnik: 18.02.2026. godine

OPĆINSKOM SUDU U BUGOJNU
Sudiji za prethodno saslušanje

Na osnovu odredbe člana 45 stav 2 tačka h, člana 241 stav I Zakona o krivičnom postupku Federacije Bosne i Hercegovine, p o d i ž e m

O P T U Ž N I C U

Potvrđena dana 31.03.2026. godine

Protiv:

A.G.

Što je:

1. Tačno neutvrđenog dana u mjesecu januaru 2017. godine na području općine Gornji Vakuf/Uskoplje, na neutvrđen način nabavio radi upotrebe krivotvoreno ljekarsko uvjerenje o zdravstvenom stanju, broj 063-01/17 od 09.01.2017.godine, izdato od strane JU Dom zdravlja Gornji Vakuf Uskoplje, na ime A. Dž., svjestan da se radi o lažnoj ispravi i da ista nije obavila ljekarski pregled u Domu zdravlja Gornji Vakuf Uskoplje, pa je takvo ljekarsko uvjerenje za isnos od 60,00 KM predao A. Dž. , koja je isto predala u firmi „ Saraj komerc“ u Gornjem Vakufu prilikom zasnivanja radnog odnosa;
2. Tačno neutvrđenog dana u mjesecu julu 2018. godine na području općine Gornji Vakuf/Uskoplje, na neutvrđen način nabavio radi upotrebe krivotvoreno ljekarsko uvjerenje o zdravstvenom stanju, broj 008-07/18 od 02.07.2018.g, izdato od strane JU Dom zdravlja Gornji Vakuf Uskoplje, na ime A. I., svjestan da se radi o lažnoj ispravi i da ista nije obavila ljekarski pregled u Domu zdravlja Gornji Vakuf Uskoplje, pa je takvo ljekarsko uvjerenje za isnos od 40,00 KM predao A. I. , koji je isto predao u firmi „ Saraj komerc“ u Gornjem Vakufu prilikom zasnivanja radnog odnosa;

3. Tačno neutvrđenog dana u mjesecu januaru 2019. godine na području općine Gornji Vakuf/Uskoplje, na neutvrđen način nabavio radi upotrebe krivotvoreno ljekarsko uvjerenje o zdravstvenom stanju, broj 015-01/19 od 04.01.2019.g izdato od strane JU Dom zdravlja Gornji Vakuf Uskoplje, na ime P. L. svjestan da se radi o lažnoj ispravi i da ista nije obavila ljekarski pregled u Domu zdravlja Gornji Vakuf Uskoplje, pa je takvo ljekarsko uvjerenje za isnos od 50,00 KM predala P. L. , koji je isto predao u firmi „ Saraj komerc“ u Gornjem Vakufu prilikom zasnivanja radnog odnosa;

dakle, lažnu ispravu nabavio radi upotrebe.

Čime je počinio produženo krivično djelo Krivotvorenje isprave iz člana 373. stav 2. u vezi sa stavom 1. Krivičnog zakona Federacije Bosne i Hercegovine, u vezi sa članom 55. KZ F BiH.

KANTONALNI TUŽITELJ

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom